

Ishonch

Yurt taraqqiyoti yo'lida birlashaylik!

2023-yil
16-fevral
payshanba
№ 22 (4774)

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan

ОРТИҚЧА БЮРОКРАТИЯДАН КИМ МАНФААТДОР?

МАЪЛУМОТЛАРГА КЎРА, ПЛАСТИК КАРТАДАН КАРТАГА ЎТКАЗМАЛАР УЧУН ЯНГИ ТАРТИБ ЖОРИЙ ҚИЛИНМОҚДА. УНГА БИНОАН CLICK, PAYME, APESIN КАБИ ТЎЛОВ ТИЗИМЛАРИ ЁКИ МОБИЛЬ БАНК ХИЗМАТЛАРИ ОРҚАЛИ БОШҚА ОДАМНИНГ ПЛАСТИК КАРТАСИГА ПУЛ ЎТКАЗИШДА ЭЛЕКТРОН ҲИСОВВАРАҚ-ФАКТУРА ТУЗИШ МАЖБУРИЙ БЎЛМОҚДА.

Хўш, бу нимани англатади? Оддий тил билан айтганда, йўқ жойдан янги харажат пайдо бўляпти. Яъни пластик картадан бошқа картага пул ўтказилганда ушлаб қолинаётган бир фоизлик комиссия тўловига қўшимча равишда яна маблағ ушлаб қолинади. Ўз-ўзидан савол туғилади: Бу харажат кимнинг ҳисобидан ва қанча миқдорда ундирилади? Мазкур харажат истемолчи зиммасига юкланмайдими? Янги қоидага кўра, ҳатто ўтказма-нинг комиссия қиймати «0» фоизга тенг бўлса ҳам, ҳисовварақ-фактура тузиш мажбурий бўлади. Айни пайтда ҳар бир электрон ҳисовварақ-фактурани шакллантириш

бахоси 270 сўмдан бошланади. Ҳисовварақ-фактурани тадбиркорлик субъектлари, яъни электрон ҳужжатлаштириш операторлари («Didox+», «E-faktura», «Soliq servis» кабилар) тузиб беради. Мазкур қоида амалиётга татбиқ этиш бундан аввал ҳам илгари сурилган эди. Аммо бу ташаббус Марказий банк ва фаолларнинг норозилиги туйғайли бекор қилинган. Вазирлик янги тартибга изоҳ бериш асосида ҳисовварақ-фактурани тузиш нархини 1 сўм қийматда белгилашга ваъда берди. Аммо... Адлия вазирлигининг баёнотида кўра эса ушбу ҳисовварақ-фактурадаги банд ҳуқуқий экспертиза лойиҳасида

бўлмаган, балки кейинчалик кўшиб юборилган. Аслида электрон ҳисовварақ-фактура тузиш жисмоний шахсларга нима учун керак? Тадбиркорларнинг активларини ўз базасида кўриб туришни ис-таётган солиқчилар жисмоний шахслар ўртасидаги ўтказмаларни ҳам назорат қилишидан биз билмайдиган бошқа жиҳатлар ҳам борми? Пластик эгалари учун бу тартиб «бошоғриқ» келтириб чиқарилганга етарли асос борми? Иқтисодиёт ва молия вазирлигидан мана шу саволларга жавоб кутиб қоламиз.

Ғулмжон МИРАҲМЕДОВ
«ISHONCH»



Қашқадарё вилояти

Касаба уюшма аралашгач

Чироқчи тумани тиббиёт бирлашмаси бошлиғи касаба уюшма кўмитасига туғуруқ бўлими хўжалик бекаси Зуҳра Султонова билан Меҳнат кодексининг 100-моддаси 4-бандига кўра тузилган меҳнат шартномасини бекор қилиш тўғрисида тақдимнома киритди. Мазкур масала юзасидан кўмита йиғилиши белгиланди.

Зуҳра ишга қайтди

Иш берувчи вакили, касаба уюшма кўмитаси аъзолари, Соғлиқни сақлаш ходимлари касаба уюшмаси Республика кенгаши меҳнат ҳуқуқ инспектори иштирок этган йиғилишда Зуҳра Султонованинг бир неча кун давомида ишга келмагани масаласи муҳокама қилинди. Маълум бўлишича, ходима юрак касаллиги билан туғилган фарзандини даволатиш асноси ишга келолмаган. Аксига олиб, турмуш ўртоғи ҳам хорижга ишлаш учун кетган...

Соғлиқни сақлаш ходимлари касаба уюшмаси Республика кенгашининг меҳнат ҳуқуқ инспектори аёлнинг икки нафар боласини яққа ўзи тарбиялаётгани, ёрдамга муҳтож оила вакили экани, 14 ёшга етмаган бемор болага парварош керак бўлган давр учун вақтинча меҳнатга лаёқатсизлик варақаси берилиши ва бу ҳолатларни исботловчи ҳужжатларни инobatга олган ҳолда Зуҳра Султоновани ишдан бўшатмаслик лозимлигини айтиб ўтди. Касаба уюшма кўмитаси аъзоларининг фикри ҳам бир жойдан чиқди. Овоз бериш натижаларига биноан Чироқчи тумани тиббиёт бирлашмаси бошлиғининг тақдимномаси рад этилди.

Айни пайтда Зуҳра Султонова ўз иш жойида фаолият юритмоқда. Кези келганда таъкидлаш керакки, тармоқ касаба уюшмаси Республика кенгашининг Қашқадарё вилоятидаги меҳнат ҳуқуқ ва меҳнат техник инспекторлари ҳудуддаги даволаш-профлактика муассасаларида иш ўринларини аттестациядан ўтказишда фаолият кўрсатишяпти. Жумладан, Шаҳрисабз тумани юқумли касалликлар шифохонасига киритилган кўрсатма ижросининг таъминлини натижасида ноқулай ва зарарли шароитда ишлайдиган 13 нафар ходимнинг йиллик меҳнат таътилига 7 кундан 12 кунгача қўшимча таътил қўшиб берилди. Ходимлар фойдасига 16 206 025 сўм маблағ ундирилди.

Шунингдек, Республика ихтисослаштирилган кардиология илмий-амалий тиббиёт маркази Қарши филиалига киритилган кўрсатмага асосан, 88 та ноқулай ва зарарли иш ўрни аттестациядан ўтказилди ҳамда 224 нафар ходимга махсус кийим-бош харид қилиш учун 44 800 000 сўм маблағ ажратилишига эришилди.

Дилбар ТЎХТАЕВА,
Соғлиқни сақлаш ходимлари касаба уюшмаси Қашқадарё вилояти кенгаши раиси



Хоразм вилояти

Спартакиада

ГАНДБОЛ ЎЙНАНГ, ТЕТИК БЎЛАСИЗ



Маданият, спорт ва туризм ходимлари касаба уюшмаси Хоразм вилояти бирлашган кўмитаси ҳамда Хоразм вилояти спортни ривожлантириш бош бошқармаси ҳамкорлигида гандбол бўйича спартакиаданинг вилоят босқичи ўтказилди.

26 та жамоа сафида 300 нафардан ортиқ ходим иштирок этган мусобақа натижаларига кўра, эркеклар ўртасида биринчи ўринни энгил атлетика бўйича ихтисослаштирилган спорт мактаби, иккинчи ўринни Шовот тумани-

даги 2-сонли спорт мактаби ва учинчи ўринни Кўшкўпир тумани спорт мактаби жамоалари эгаллашди. Аёллар ўртасида эса биринчи ўрин Урганч тумани спорт мактаби, иккинчи ўрин энгил атлетика бўйича ихтисослаштирилган спорт мактаби ва учинчи ўрин Ҳазорасп тумани спорт мактаби жамоасига насиб этди.

Ғолиблар муносиб рағбатлантирилди.

Алишер САЛАЕВ,
Маданият, спорт ва туризм ходимлари касаба уюшмаси Хоразм вилояти бирлашган кўмитаси раиси



Уйғоқ ўй

ҚАЧОН ЎЗ-ЎЗИМИЗГА СОДИҚ ҚОЛАМИЗ?

Суратдаги яроқсиз бино – Тошкент шаҳри Мирзо Улуғбек туманидаги қурилганига бир йил ҳам бўлмаган кўп қаватли уйлardan бири. Ушбу суратда бир неча кўндирки, ижтимоий тармоқларда муҳокамаларга сабаб бўлаётир. Хонадон деворларида пайдо бўлган ёриқлар эса вақт ўтган сайин кенгайиб бораётир.

Хабар берилишича, ушбу кўп қаватли уйни қурган компания раҳбари ва мутасаддиларга нисбатан жиноят иши очилиб, улар жавобгарликка тортилган.

Хўш, улар жазоланди ҳам дейлик, сифатсиз уйда ҳавотир ва ҳадик ичра яшаётганлар нима қилади? Улар бошқа уйга кўчираладими ёки тўлов пуллари қайтариб

бериладими? Умумий ҳисобда сифатсиз уйлارни сотиб олганлар ва олаётганлар қанчани ташкил этади? Вазият ижобий томонга ўзгаришига ким кафолат беради? Хуллас, саволлар кўп.

Яқинда ижтимоий тармоқларда Қурилиш вазирлиги мутасаддиларининг «барпо этилаётган янги уй-жойларнинг сифатига биринчи навбатда «заказчик» кафолат беради, биз барча ишларга кафолат бера олмаимиз» қабилдаги жавоби кенг тарқалди. Буни қандай тушуниш мумкин? Мамлакатимиздаги қурилишларга масъул вазирлик вазиятни ўзидан соқит қилиб тургандан кейин қолганлар, яъни хусусий қурилиш фирмалари ўз билгичи иш тутади-да ахир!

1966 йил Тошкентда кучли zil-зила бўлган ва бу ҳалигача кўпчиликнинг ёдида. Биз Туркия ва Сурияда кузатилган zilзилалардан сабоқ олишимиз, хулоса чиқаришимиз керак! Акс ҳолда...

Дунё тан олган адиб ва файласуф Альбер Камю «Агар одам ўз-ўзига содиқ қолса, ҳамма у билан ҳисоблашишга мажбур: давлат ҳам, жамият ҳам, ҳатто қуёш, ой ва юлдузлар ҳам» деган. Андак муболага билан айтилган, аммо ҳақ гап!

Хўш, биз ҳар ишда ўз-ўзимизга содиқ қолишни, ҳар ишни виждонан бажаришни қачон ўрганамиз?

Муроджон РАҲМАТОВ



Сирдарё вилояти



Учинчи уринишдан сўнг

Шаҳноз Отақулова бола парваришидан сўнг Ховос тумани тиббиёт бирлашмасига қарашли кўп тармоқли марказий поликлиникага ўз вазифасига қайтиш ниятида ёзган аризасига вақтида жавоб олмагач, Соғлиқни сақлаш ходимлари касаба уюшмаси Сирдарё вилояти кенгашидан амалий ёрдам сўради.

Амалдаги Меҳнат кодексининг 234-моддаси 5-қисмида болани парваришlash таътиллари даврида аёлнинг иш жойи (лавозими) сақланиши белгиланган. Яъни ушбу моддада ходим болани парваришlash таътилидан қайтиб келганидан сўнг унга мазкур турдаги таътил берилишдан олдинги ўз вазифаси ва иш ставкаси тўлиқ қайтарилиши лозимлиги мустақамлаб қўйилган.

Аниқланган қонунбузилиш билан боғлиқ ҳолатнинг бар-тароф этилишини сўраб иш берувчи номига кўрсатма хати юборилди. Кўрсатма ижроси таъминланмагач, фуқаролик ишлари бўйича Боёвут

туманлараро судига даъво аризаси киритилди. Суднинг ҳал қилув қарорига кўра, жавобгар Ховос тумани тиббиёт бирлашмаси зиммасига Шаҳноз Отақуловани ўз вазифасига қайтариш, иш берувчининг айби билан ходим асоссида мажбурий бекор юрган вақти учун 6 миллион 118 минг 902 сўм ҳамда маънавий зарар учун 2 миллион сўм миқдордаги пул маблағи ундирилиши белгиланди.

Абдураҳим АЛБЕКОВ,
Соғлиқни сақлаш ходимлари касаба уюшмаси Республика кенгашининг Сирдарё вилояти бўйича меҳнат ҳуқуқ инспектори

Транспорт, йўл ва капитал қурилиш, қурилиш индустрияси ходимлари касба уюшмаси Республика кенгаши ўз аъзоларини янги тахрирдаги Меҳнат кодексининг мазмун-моҳияти билан яқиндан таништириш мақсадида ҳудудларда ўқув-семинарлар ўтказмоқда.



Сурхондарё вилояти

Агросаноат мажмуи ходимлари касба уюшмаси Республика кенгаши Қумқўрғон туманидаги «Сурхондарё сув омборларидан фойдаланиш» бошқармасида ўқув-семинар уюштирди.

Фаолиятга танқидий назар

Унда тармоқ касба уюшмасининг туман кенгаши раислари ва йирик бошланғич касба уюшма етакчилари иштирок этди.

Тадбирни Агросаноат мажмуи ходимлари касба уюшмаси Республика кенгашининг вилоятдаги масъул ташкилотчиси Холиёр Одинаев кириш сўзи билан очиб, 524 та ташкилотда меҳнат қилаётган 106623 нафар ишчи-ҳодим касба уюшмага аъзо экани, амалдаги жамоа шартномалари орқали ходимларга тўланаётган иш ҳақи ва моддий рағбатлантиришга йўналтирилган маблағлар миқдори мунтазам ошиб бораётганини таъкидлади.

Сўнгра бошланғич ташкилотларнинг вазифалари ҳамда фаолиятининг асосий йўналишлари атрофида муҳокама қилинди.

– Утган бир йил давомида қишлоқ ҳўжалиги тизимидаги нодавлат секторда атиги 43 та ташкилот рўйхатга олинган, – деди Ўзбекистон касба уюшмалари Федерациясининг Сурхондарё вилояти кенгаши ташкилий ишлар бўлими мудири Бахрулло Муҳаммадиев. – Қолаверса, соҳада ишлаётган барча ишчи-ҳодимлар жамоат ташкилоти томонидан яратиб берилган имкониятлардан фойдаланмоқда, деб айтди. Фермер ҳўжаликларида ишловчиларни аъзоликка жалб қилиш борасидаги ишлар поёнига етказилмаётгани

фиқримнинг яққол исботидир. Аъзолар сафини кенгайтиришга лоқайд муносабатда бўлаётган куйи ташкилотлар бор. Утган 2022 йил мобайнида Сариосиё, Жарқўрғон туманлари ва Термиз шаҳри кенгаши 25 минг нафардан ортиқ аъзога эга бўлган бўлса, Қумқўрғон, Бандихон туманларида 2021-2022 йилларда бирон-бир ташкилот тузилмаган ва бирон-бир ишчи-ҳодим касба уюшма аъзолигига қабул қилинмаган. Кластер тизими тармоқ келажagini белгилашни ёрқин намоян этмоқда. Буни Қизилқум туманида фаолиятини давом эттираётган «Surxon-cotton textil klaster» МЧЖ фаолияти мисолида кўриш мумкин. Бугун туманда кўплаб одамлар кафолатланган иш ҳақи олиб ишлашмоқда. Бироқ янги тузилма билан тизим касба уюшмалари ўртасида алоқа кўнгилдагидек эмас. Қумқўрғон тумани тармоқ кенгаши ҳудудда фаолият юритаётган «Dream cotton klaster» МЧЖ билан манфаатли келишувга эриша олмаётганлиги ҳам афсусланарли ҳолдир.

Тадбир иштирокчилари Сурхондарё вилояти сув омборларидан фойдаланиш бошқармаси бошланғич касба уюшма кўмитаси амалга ошираётган ишлар билан яқиндан танишдилар.

Рустам ДАВЛАТОВ
«ISHONCH»

Жиззах вилояти

Спорт ҳамма учун

Жиззах шаҳрида Маданият, спорт ва туризм ходимлари касба уюшмалари тармоқ ташкилот ва муассасаларида фаолият кўрсатаётган жисмоний имконияти чекланган ишчи-ҳодимлар ўртасида стол тенниси, бадминтон ва шахмат турлари бўйича «Касба уюшмалари Республика кенгаши кубоги» мусобақаларининг вилоят босқичи ўтказилди.

Ўзбекистон миллий паралимпия кўмитаси, Ўзбекистон касба уюшмалари Жисмоний тарбия ва спорт ишлари бошқармаси ҳамда Ўзбекистон спорт фахрийлари кенгашининг қўшма қарори асосида ташкил этилган беллашувлар юрти-

мизда жисмоний имконияти чекланган шахсларга спорт билан шуғулланишлари учун зарур шарт-шароитларни кенгайтириб, уларни фаол ҳаёт билан қамраб олишга хизмат қилади.

– Ўтказилаётган ушбу мусобақа-

лар жисмоний имконияти чекланган ва ногиронлиги бўлган шахсларнинг жамиятда муносиб ўрин эгаллашларини рағбатлантириш билан бирга, ибратли ҳаёт тарзини тарғиб қилиш борасидаги ишларнинг амалий намунасидир, – деди Маданият, спорт ва туризм ходимлари касба уюшмаси Жиззах вилояти бирлашган кўмитаси раиси Гулбаҳор Холмуродова. – Бу борадаги ишлар мунтазам ҳам давом эттирилади.

Муқимбой ИСМОИЛОВ
«ISHONCH»



Мусобақа



Бухоро вилояти

Шу кунларда республика миқомининг барча ҳудудларида «Қон донорлиги ҳафталиги» ва унинг доирасида «Мен донорман» акцияси ўтказилмоқда. Ушбу хайрли ташаббусда Ўзбекистон касба уюшмалари Федерацияси Бухоро вилояти кенгашининг бир гуруҳ кўнгилли ходимлари ҳам иштирок этдилар.

– Аввало ҳар биримиз соғ-саломат эканимизга шукрона келтирмоғимиз лозим, – дейди

«Мен донорман»

кўнгиллилардан бири Ҳалима Рўзиева. – Аммо шуни ҳам унутмаслигимиз керакки, ҳеч биримиз касалликлардан ҳимояланмаганмиз. Шулар ҳақида ўйлаб бугунги акцияда қатнашишга қарор қилдим. Топширган қонимиз турли хасталикларга чалинган беморларнинг саломатлигини тиклаш учун ишлатилиши

кўнглимга бироз бўлса-да таскин берди.

Акция ҳудудларда давом этмоқда.

Достонбек ЖўРАЕВ,
Ўзбекистон касба уюшмалари Федерацияси Бухоро вилояти кенгаши раисининг ёшлар масалалари бўйича маслаҳатчиси

Ўқув-семинар

ҚОНУНЧИЛИКДАГИ ўзгаришлар билан танишув

Навоий вилоятида бўлиб ўтган ана шундай тадбирда тармоқ корхоналарнинг бошланғич касба уюшма ташкилотлари раислари, ходимлар билан ишлаш бўйича мутахассислар ҳамда юристлар иштирок этди.

Семинарда тармоқ касба уюшмаси Республика кенгаши, Навоий шаҳар Адлия бўлими, Ўзбекистон касба уюшмалари Федерациясининг Навоий вилояти кенгашининг малакали мутахассислари меҳнат қонунчилигидаги ўзгариш ва янгилликлар, уларнинг

иш юритиш жараёнига таъсири ҳақида батафсил тушунтиришлар берилди. Сўнгра иштирокчиларга янги тахрирдаги Меҳнат кодекси топширилди.

Бухоро вилоятида ташкил этилган тадбирда Транспорт, йўл ва капитал қурилиш, қурилиш индустрияси ходимлари Республика кенгаши бош мутахассиси Д.Ҳошимова янги Меҳнат кодексининг тарғиботи борасида касба уюшмалари олдида турган вазифалар ҳамда қонунчилигидаги янги ўзгаришларни ҳаётга татбиқ этишнинг долзарб-

лигида тўхталди.

Маълумки, қонунчиликдаги янги ўзгаришлар жамоа шартномаларида ҳам ўз аксини топади. Касба уюшмалари Федерацияси Бухоро вилояти кенгаши юристи Р.Насимов Кодекснинг Жамоа шартномаси ҳақидаги 8-бобига алоҳида тўхталди.

Янги тахрирдаги Меҳнат кодексидаги ўзгариш ва янгилликлардан меҳнат жамоаларини таништириш ишлари давом этмоқда.

Умида ХУДОЙБЕРГАНОВА
«ISHONCH»

Хоразм вилояти

Бошланғич ташкилотларда

Тўпроққола туманидаги «Тўямўйин ГЭС» унитар корхонасида иш берувчи ва ходимлар ўртасида меҳнат муносабатлари қандай тартибга солинган?



Барчаси бадастирми?

Касба уюшмалари Федерацияси Хоразм вилояти кенгаши меҳнат инспекторлари шу саволга жавоб топиш мақсадида бошланғич касба уюшма кўмитаси фаолияти, ҳужжатларнинг юритилиши билан танишдилар.

40 йилдан буён мамлакат иқтисодиётида муҳим ўрин тутиб келаётган, 90 дан зиёд касба уюшма аъзоси фаолият кўрсатиб, йилига ўртача 400-600 миллион килловат соат энергия ишлаб чиқариладиган корхона жамоаси билан очиқ мулоқот самимий рўҳда ўтди. Жамоа шартномасида белгиланган имтиёزلардан ишчи-хизматчилар қандай фойдаланаётгани таҳлил қилинди. Меҳнат муҳофазаси тадбирларининг қай даражада йўлга қўйилгани ўрганилди.

Мулоқотда инспекторлар янги тахрирдаги Меҳнат кодексида батафсил тўхталди. Унинг аҳамияти, киритилган янги нормалар тўғрисида тушунтиришлар берилди. Меҳнат муҳофазаси йўналишидаги ўзгаришларнинг мазмун-моҳияти ҳақида сўз юритилди.

– Меҳнат инспекторлари билан мулоқот ҳар томонлама фойдали бўлди, – дейди «Тўямўйин ГЭС» унитар корхонаси бошланғич касба уюшма кўмитаси раиси Жўрабек Худойбергенов. – Корхонамизда ҳар бир ходим меҳнат муҳофазаси қоидаларини етарлича билиши ва унга амал қилиши шарт. Касба уюшмалари томонидан аъзолар манфаатларини ҳимоя қилиш борасида кўриляётган чоралар ҳамкасбларимиз томонидан алоҳида эътироф этилди.

Ишчи-хизматчилар инспекторлардан ўзларини қизиқтирган саволларга жавоб олишди.

Муҳаббат ТўРАБОЕВА
«ISHONCH»

Самарқанд вилояти

Тадбир

Ўзбекистон касба уюшмалари Федерацияси Самарқанд вилояти кенгашининг III мажлиси ўтказилди.

Таҳлил, сабоқ ва натижа

Ижтимоий шерикликда таъриқларнинг музокара-лардаги ҳамфиқрлиги муҳим аҳамият касб этади. Утган фурсатда амалдаги 13303 та жамоа шартномасида акс этган мажбуриятларга ёндашув тубдан ўзгарди. Бу эса меҳнатга ҳақ тўлашда юз бераётган қарздорликка барҳам берди. Айни чоғда турли корхона ва ташкилотларда меҳнат қилаётган 473281 нафар ишчи-ҳодимлар ижтимоий муҳофазасида устуворликка эришилмоқда. Энг муҳими, меҳнат муносабатларини шакллантиришда ихтилофларга чек қўйилган.

Жамоа шартномаси ва келишувлар орқали нодавлат мулк шаклидаги корхоналарда ишловчилар шароити ҳам яхшиланмоқда. Музокара йўли билан 141 та хусусий сектор ва тадбиркорлик субъектида меҳнат қилаётган 202 нафар ёш болали аёлга ойлик маошлари сақланган ҳолда иш вақти ҳафтасига 35 соатдан ошмайдиغان қилиб белгиланишига эришилди.

Жамоа шартномаси ва келишувлар орқали нодавлат мулк шаклидаги корхоналарда ишловчилар шароити ҳам яхшиланмоқда. Музокара йўли билан 141 та хусусий сектор ва тадбиркорлик субъектида меҳнат қилаётган 202 нафар ёш болали аёлга ойлик маошлари сақланган ҳолда иш вақти ҳафтасига 35 соатдан ошмайдиغان қилиб белгиланишига эришилди.

этилган «Касба зиё» ўқув марказида бошланғич ташкилотлар раҳбарлари, техника хавфсизлигига дахлдор бўлган жамоатчи-назоратчилар ўқуви ташкил этиб келинмоқда. Бу эса ишлаб чиқариш билан боғлиқ кўнгилсизликларнинг олдини олишга хизмат қилапти. Шунингдек, касба уюшмаларининг «Касба Самарқанд» туристик ташкилоти томонидан 15 минг нафардан зиёд ишчи-ҳодимнинг ички туризм йўналишларидаги саёҳатлари ташкил этилди. Касба уюшмалари «Юридик клиника»си орқали фуқаролардан 437 та мурожаат қабул қилиниб, 234 таси қаноатлантирилди. 204 нафар мурожаатчига ҳуқуқий тушунчалар берилди.

Мажлисида ўтган йилда амалга оширилган бу каби ишлар таҳлил қилиниб, олдинда турган устувор вазифалар белгилаб олинди. Кун тартибидоги барча масалалар юзасидан тегишли қарорлар қабул қилинди.

Нурилла ШАМСИЕВ
«ISHONCH»

Фарғона вилояти

Эътибор

Улар кўмакни мудом ҳис этишади

Мухайёхон Йўлчиева уч йилдан буён Фурқат тумани ободонлаштириш бошқармасида касбақўм етакчиси бўлиб ишлаб келади.



Маълумки, ободонлаштириш йўналишида меҳнат қилаётган ходимларнинг иши анча барвақт бошланади. Ҳали тонг отмасдан улар кўчаларни сугураётган, чиқиндилардан тозалаётган бўлишади.

– Қарийб 15 йилдан бери туман ободонлаштириш бошқармасида ишлайман, – дейди Наимахон Эгамбердиева. – Кўчаларни озода туттиш, тозалаш кундалик вазифамиз. Ишим оғир бўлса-да, бирор марта нолиган эмасман. Мана, ҳалол меҳнатим орқасидан рўзгор тебатиб, икки ўғлимни олийгоҳда ўқитяман. Қийналган пайтларимизда касба уюшма кўмитаси ёрдам бермоқда.

Жазирама ёзда ҳам, совуқ қишда ҳам ташқарида тиним билмайдиган ишчи-ҳодимларни қўллаб-қувватлаш, уларга кўмак бериш, оғир кунларида елкадош бўлиш касба уюшма етакчисининг энг асосий ишига айланган.

Мўйдин Алламуродов «эски» ишчилардан. Ҳазил-ҳузил қилиб, ҳаммининг кайфиятини кўтариб

юрادиган бу инсоннинг негари қайини пайтларда чехраси очилмай, тез-тез ишдан жавоб сўрайдиган бўлиб қолди. Касба уюшма кўмитаси раиси Мухайёхон Йўлчиева тушкун кайфиятдан юрган Мўйдин ака билан учрашиб, ҳол-аҳвол сўради. Узаро суҳбатда Мўйдин Алламуродовнинг аёли дарда чалингани, дори-дармонга маблағ етмаётгани маълум бўлди. Асл ҳолатни билган касбақўм етакчиси Мўйдин акага касба уюшма кўмитаси томонидан моддий ёрдам ажратди.

– Биз учун нафақат ишчи-ҳодимлар, балки, уларнинг оила аъзолари ҳам қадрли. Ахир уларнинг оиласи тинч бўлса, ишида ҳам унум бўлади-да, – дейди Мухайёхон Йўлчиева. – Шу боис ходимлар оиласи ҳақида ҳам мунтазам қайғураемиз. Қолаверса, яхши ишлаган ходимларимизни доимий равишда моддий қўллаб-қувватлаб келяпмиз.

Жамшид ЭРТАШЕВ
«ISHONCH»

Акция



КУВОНЧУ КЎЗЁШЛАР ҲАҚИДА ҲИКОЯ

Шоир ҳамда ёзувчилар фақат ёзган асарлари билангина эмас, балки ибратли ҳаёти ва шахсий фаолияти билан ҳам башариятга намуна бўлмоғи лозим. Ана шундагина халқ меҳрини қозонади, номи абадиятга муҳрланади. Улуғ адиб, халқимизнинг ардоқли ёзувчиси Саид Аҳмаднинг «Йўқотганларим ва топганларим» асарини ўқирканман, ҳаёлимдан ана шундай фикрлар ўтди.

Китоб уч боб, яъни «Йўқотганларим», «Топганларим» ва «Бағримни ўртаган аламлар»дан иборат.

«Йўқотганларим»да Ойбек, Фахриддин, Абдулла Қаҳҳор, Максуд Шайхзода, Миртемир, Шуҳрат, Саида Зуннунова каби бир қатор номдор шоир-ёзувчиларнинг ҳаёти ва ижодий фаолияти, уларнинг қийинчилик ва машаққатларга саботи, ҳаммада ҳам бўлавермайдиган юксак инсоний фазилатлари билан яқиндан танишишимиз мумкин.

«Топганларим» бобида Ўткир Хошимов, Неймат Аминов, Тоғай Мурод, Носир Фозилов, Мақсуд Қориев ва бошқа кўплаб ижодкорлар ҳақида ҳикоя қилинади.

Китобнинг сўнги «Бағримни ўртаган аламлар» бобида Саид Аҳмаднинг ҳаёти ва фаолияти, баъзи асарларининг ёзилиш тарихидан бохабар бўласиз. Шунингдек, танкичи ижодкор Кулмон Очиловнинг адиб билан суҳбати ҳам сизни бефарқ қолдирмайди.

Асарни ўқиркансиз, халқимиз юрагидан жой олган улуғ ижодкорларимизга қилинган ноҳақликлар сизнинг ҳам дилингизни ўртади. Адабиётимиз тақдир адабиётга алоқаси бўлмаган кимсаларга боғлиқ бўлганидан ўқинасиз.

Бу шундай китобки, яқин ўтмиш адабиётимизнинг кувончу қайғуси, хурсандчилик ва аламу изтироблари ҳақида бирдай ҳикоя қилинади.

Бу шундай китобки, улуғ шоир ва ёзувчиларимиз босиб ўтган шонли ва матонатли ҳаёт йўлидан сизни ҳам юришга ундайди. Асар қаҳрамонлари билан бирга кулиб, бирга йиғлайсиз.

Бу шундай китобки, сизни қаноатга ундайди. Бу дунёнинг нот-неъматга тўла дастурхони сизда ортиқча ҳавас уйғотмай қўяди. Она Ватанимиз истиқболли, эртаси бугундан ҳам яхши бўлиши учун нимадир қилишга даъват этади. Ватанин, халқимизни севишга, одамларга ёрдам беришга чақиради.

«Йўқотганларим ва топганларим»да биринчи бўлиб «Кутлуғ қон», «Навоий» каби бир-биридан гўзал асарлар муаллифи Мусо Тошмуҳаммад ўғли билан юзлашасиз. Муаллиф улкан масъулиятни зиммасига оларкан, Ойбекдай улуғ даҳо, унинг ҳаёт йўли ҳақида муносиб гапларни ёза олармиканман, деган хавотирли саволни ўзига беради.

Мутулаа жараёнида Саид Аҳмад бу асарни устозлари тавсиясига биноан ёзганини аytлайсиз. Сизу бизнинг ҳаётга, юртга, адабиётга муҳаббатимиз ошиши йўлида бир дастурил-амал бўлиши учун ёзганига шохид бўласиз...

Болалари билан тор уйда яшаган Ойбекка уюшма томонидан уч хонали уй беришганидан қувониб кетасиз. Юкларини янги уйнинг ҳовлисига туширган адибга бу уйда яшаш насиб қилмаган, «Буржуа миллатчиси» сифатида уюшмадан ўнган Ойбекка уйнинг калити берилмаган, юкларини қайтариб олиб кетганидан даҳшатга тушасиз...



«Кутлуғ қон» романида Ойбек ўзини мажбурлаб, рус инқилобчиси Петров образини киритган, у қамоқда йўлчининг онгига инқилобий руҳни синдириши, русча китоб ўқишни ўргатишни қўриб турасиз... Ниҳоят, йўлчи «инқилобчи» даражасига етгач, «Кутлуғ қон» нашр қилиниши ҳақидаги ҳақиқатлардан хабардор бўласиз.

Саид Аҳмад бу изтироби ҳикояларни ёзиш жараёнида Зарифа Саидносированинг «Ойбеким менинг» китобига муружаат қилади:

— Бир кеча ёдимда. Ойбек ёзиб ўтиради. Мен ҳам ёзибми, ўқибми ўтирибман — Зарифа, қорним оч, жуда очикдим, — деб қолди Ойбек.

Мен нима дейишни билмайман, индамадим. Жавоб қилмадим. Негаки уй қуп-қурқ эди.

— Бирор нарса йўқми? — сўради Ойбек. Ўрнимдан туриб шафани ахтардим. Ҳўжрадаги хурмача, халталарни текширдим. Бир ҳовуч йирик кепак, бир-икки қошиқ шаккар топдим, сўнг хурмачанинг тагини сидира-сидира бир қошиқ ёғ олдим. Примусда кепакни қовуриб, сўнг унга шаккар аралаштириб дастурхонга тортидим. Билмадим, бу қандай таом бўлди экан? Ойбек ҳазратлари номи менга ҳам номаълум бўлган бу таомдан бир-икки марта қошиқ учиди олган бўлди. Сўнг «сен ҳам егин» деб мени кистади.

— Йўқ, очикмадим, ўзингиз еяберинг, — дедим унга. Менинг курсимда ҳеч нарса йўқ эди. Фақат қаноат бор, холос.

Ойбек озгина еди. Озгинасини қолдириб деди:

— Эрталаб болаларга берарсан.

Менга боқиб жилмайди-да, тагин ёзувга киришди...

Ойбек ва Зарифахоним тимсолида меҳр ва муҳаббат, вафо ва садоқат тимсоли бор бўй басти билан кўз олдингизда намоён бўлади. Унча-мунча одамга берилмайдиган сабр ва қаноат-чи? Шу лаҳзаларда китобдан бир муддат чалғиб, беихтиёр телевизор пултини босасиз. Атайлаб уюштирилгандай экранда эри ёки қайнонадан овозларнинг мазали бўлмагани учун дакка эшиттаётган келинчакнинг ноз-неъматга тўла дастурхон олдиди мунғайган ҳолати акс этиб турган бўлади. Бошқа каналга қарасангиз, қандайдир машҳур санъаткор шохона саройида овқат пишириш ҳақида томошабинларга «мастер класс» ўтаётганидан «дод» деб юборганингизни билмай қоласиз... Чунки сиз айна дамда тамомила бошқа оламда — Ойбек хонадониде эдингиз-да!

Саид Аҳмад Ойбекнинг жанг майдонига кетганидан ҳайратга тушганини яширмайди. Бозор тўла савдогар, чайковчи, ишининг тайини бўлмаган сўлакмондек йигитлар қолиб, ўзбекнинг фахри ва ғурури бўлган номдор ёзувчисининг жангга жўнатганидан қат-

тиқ ранжийди. Сўнг худлик билан Тошкентга — тахририятга телефон қилиб, Ойбекнинг ўзи марказқўмга ариза билан муружаат қилганидан хабардор бўлади. Жанг майдониде окоп-ма-окоп юриб, самолётдан ташланган бомбанинг ерга тушиб портлагунча қанақа овоз чиқариши, санитар қизларнинг ўқ ёмиғи остиде ярадорларни олиб чиқиши, бир сўз билан айтганда, урушда кўрган-кечирганлари кейинчалик «Кўёш қораймас» романи учун муҳим манба бўлиб хизмат қилади...

Китобда Ойбекнинг улуғ ёзувчи бўлиш билан бирга, бағрикенг ва кечиримли инсон экани ҳақида ҳам жуда кўплаб ҳаётий мисоллар берилганки, адибга бўлган муҳаббатингиз яна ўн чандон ошади.

«Ойбек кечиримли одам эди. У ҳеч қачон рақибларидан ўч олмасди. Худого солиб кўярди. Ўзига ёмонлик қилган дўстларига ҳам яхшилик қилаверарди. Дилига кўп озор берган, уни бадном қилишга уринган, асабларини ишдан чиқарган уюшма раиси қарз сўраб келганда йўқ демай, ўн минг сўм берганига ўзим гувоҳман», деб ёзади муаллиф.

Муаллиф Зарифахонимни Соҳибқироннинг содиқ рафиқаси ва доно кенгашичи Сароймулхоним, Амир Умархоннинг умр йўлдоши, беназир маслаҳатчиси Моҳларойим, қозоқнинг тенгсиз шоири Абайнинг севгилиси, илҳом париси бўлиб, уни ижодга ундаган Айгерим (Ўзбекчада Ойқарам)ларнинг бири сифатида таърифлайди.

Саид Аҳмад китобда замондош ижодкорлар ҳақида сўз юритибгина қолмасдан, уларнинг асарлари, асар қаҳрамонлари, тасвирланган воқеаларга ҳам фикр билдириб ўтиши унинг жозибасини янада оширади. Масалан, асарнинг «Топганларим» бўлимидаги «Тоғай Мурод қўшқлари»да Тоғай Муроднинг отни тасвирлашдан бир парча келтирар экан, «дом»да яшаб умрини ўтказган шаҳарликларни ўйлайди. Инсон боласининг узогини яқин, мушқулани осон қилган бу жониворнинг фақат цирқда, кинода кўрган шаҳарлик укаларимизга адибнинг бу сўзлари қанчалик таъсир қилишини билмаман. Шаҳар болаларига табиатдан, жониворлардан қанчалик узоқлашиб қолганликларига ачинаман», дея изтиробларини ҳам тўқиб солади...


Баъзи асарлар тўғрисида гап кетганда, китобхон унинг бир нафасда ўқилиши ҳақида завқ-шавқ билан ҳикоя қилади. Аммо «Йўқотганларим ва топганларим»ни бир нафасда ўқиб бўлмайди. Мутулаага киришаркансиз, Ватанини, халқини ҳеч бир таъмасиз, жонидан ортиқ кўрган улуғ замондош алломаларимиз ҳаёти сизни асло бефарқ қолдирмайди. Унда аламу изтиробларга қоршиб кетган китобхон кўзёшларини кўрасиз.

Шерзод АБДУСАМАДОВ

Мутулаа

Орамиздаги одамлар

Оқсоқол талаба



Қаҳрамонимиз, профессионал фотограф Зиёвуддин Холиқовнинг босма нашрдаги илк фотоси 1978 йил «Юқори Чирчиқ ҳаёти» газетасида чоп этилган.

— Ушанда 9-синфда ўқирдим, — дея эслайди у. — Мактабдаги ҳашар жараёни ифодаланган суратимни исм-шарифим билан газетда босишибди. Бутун мактабда шов-шув бўлувди. У вақтлар матбуотда мақола ёки сурат чиқариш осон эмас эди. 1979 йил шоир Абдулла Орипов паркентлик ёшлар билан ижодий учрашув ўтказганди. Ҳалигача ўша учрашувдаги ҳаяжон юрагим тубида бўй кўрсатиб туради. Қарангки, йиллар ўтиб, махсус газета учун Абдулла Ориповни учрашувларда суратларга муҳраманман. Мен учун ҳар бир сурат битта ижодий асар. Фаолиятим давомида Саид Аҳмад, Эркин Воҳидов, Озод Шарофиддинов, Муҳаммад Юсуф, Худойберди Тўхтабоев, Ўткир Хошимов, Омонулла Мадаев, Фахриддин Умаров каби жуда кўп ижодкорлар ва санъаткорларни суратга олганман. Уларнинг ҳаммасини сақлаб қўйганман.

...Октябрь ойи охирида қолган эди. Ўзбекистон журналистика ва оммавий коммуникациялар университетининг сиртки бўлим талабаси. Тўрт фарзанднинг отаси ва саккиз нафар неваранинг суюкли босибоси. — Илгари фотоаппаратга туширилган суратларни чоп этиш жараёни бугунги ёшларга гўёки «Кундуз амакиннинг эртақлари»дек туюлади, — дейди оқсоқол талаба. — Фотоаппарат лентасини очиш учун махсус қоронгу хонага кириларди, кимёвий дорилар солинган сувда тасвирни чиқариб, сўнгра у қуритиларди. Бу жараён инсонга бошқача завқ беради. Босма нашрларда жуда кўплаб суратларим чоп этилган. Ҳатто баъзилари музейларда ҳам сақланган, деб ўйлайман. Сиртки гуруҳларда ёш ўртасида тафовут йўқ. Турли ёшдаги, турли касб эгаларини учратасиз. Шунинг учун уларга дарс ўтиш жуда қизиқарли. Бошида сал аудитория руҳиятини кўтариш, талабалар билан танишиш ва баҳонада бугунги матбуот ҳақида фикрларини билгим келди. Охириги партада ўтирган, бошига дўппи кийиб олган (ёши чамаси 60 га бериб қолган) киши ўрнидан туриб, ўзини танишди. Менинг ҳаёлимда эса «Шу ёшда ўқиб нима учун керак?» деган фикр тинмай айланарди. Неваралари қатори ёшлар билан ўқиб ажабланири эди-да. Унга савол билан юзландим: Шунча йиллик журналистик фаолият эгасига ўқиб нимага керак бўлди? У эса «Фарзандларимни, невараларимни ўқитдим, энди ўзимга навбат келди» деб жавоб берди. Қойил қолмасликнинг иложи йўқ. Дарс пайтида қирқ беш йиллик журналистик фаолият эгасига устоз дея муружаат қила бошладим. Бошқача ҳам бўлиши мумкин эмас эди-да.

Асли паркентлик Зиёвуддин Холиқов 1963 йил таваллуд топган. 1980 йил Паркент шаҳридаги 1-мактабни тамом-

лағач, Тошкент шаҳридаги фотомактабда таҳсил олган. Ҳатто ҳарбий хизматни ўташ вақтида ҳам касбга бўлган ҳавас устунлик қилган. Урал ҳарбий округининг «Сын Родины» газетасида бир қанча суратлари чоп этилган. Илк меҳнат фаолиятини 1984 йили Тошкент вилоятининг фотомарказида сайёр сураткаш сифатида бошлаган. Узоқ йиллар Паркент тумани «Матьнавият ва маърифат» марказида фототасвирчи бўлиб фаолият юритган. 2000 йилдан 2021 йилгача «Паркент тонги» газетасининг фотомухбири сифатида меҳнат қилган. Хозирда Ўзбекистон журналистика ва оммавий коммуникациялар университетининг сиртки бўлим талабаси. Тўрт фарзанднинг отаси ва саккиз нафар неваранинг суюкли босибоси.

— Илгари фотоаппаратга туширилган суратларни чоп этиш жараёни бугунги ёшларга гўёки «Кундуз амакиннинг эртақлари»дек туюлади, — дейди оқсоқол талаба. — Фотоаппарат лентасини очиш учун махсус қоронгу хонага кириларди, кимёвий дорилар солинган сувда тасвирни чиқариб, сўнгра у қуритиларди. Бу жараён инсонга бошқача завқ беради. Босма нашрларда жуда кўплаб суратларим чоп этилган. Ҳатто баъзилари музейларда ҳам сақланган, деб ўйлайман. Сиртки гуруҳларда ёш ўртасида тафовут йўқ. Турли ёшдаги, турли касб эгаларини учратасиз. Шунинг учун уларга дарс ўтиш жуда қизиқарли. Бошида сал аудитория руҳиятини кўтариш, талабалар билан танишиш ва баҳонада бугунги матбуот ҳақида фикрларини билгим келди. Охириги партада ўтирган, бошига дўппи кийиб олган (ёши чамаси 60 га бериб қолган) киши ўрнидан туриб, ўзини танишди. Менинг ҳаёлимда эса «Шу ёшда ўқиб нима учун керак?» деган фикр тинмай айланарди. Неваралари қатори ёшлар билан ўқиб ажабланири эди-да. Унга савол билан юзландим: Шунча йиллик журналистик фаолият эгасига ўқиб нимага керак бўлди? У эса «Фарзандларимни, невараларимни ўқитдим, энди ўзимга навбат келди» деб жавоб берди. Қойил қолмасликнинг иложи йўқ. Дарс пайтида қирқ беш йиллик журналистик фаолият эгасига устоз дея муружаат қила бошладим. Бошқача ҳам бўлиши мумкин эмас эди-да.

Асли паркентлик Зиёвуддин Холиқов шу ёшда бўла туриб ҳам бир соат дарс қолдирмайди, берилган вазифани ўз вақтида аъло даражада бажаради. Унинг бу тиришқоқлигини бошқа талабаларга ўрнак қилиб кўрсатса арзийди. Аслида қирқ беш йил журналистик фаолият кўрсатган кишига таълим олишга эҳтиёж йўқ. Чамаси ёшлиқдаги орзуларни ҳар нарсадан устун келган, шекилли.

Эътиқодхон ОТАҚУЛОВА,
Ўзбекистон журналистика ва оммавий коммуникациялар университети ўқитувчиси



ISSN 2010-5002
2007-yil 11-yanvarda O'zbekiston Matbuot va axborot agentligida 116-raqam bilan ro'yxatga olingan.

«Ishonch» va «Ishonch-Doverie» gazetalarini tahrir hay'ati:

Qudratilla RAFIQOV (tahrir hay'ati raisi), Ulug'bek JALMENOVI, Anvar ABDUMUXTOROV, Sayfullah AHMEDOV, Akmal SAIDOV, Ravshan BEDILOV, Qutlimurot SOBIROV, Suhrob RAFIQOV, Shoqsimon SHOISLOMOV, Hamidulla PIRIMQULOV, Nodira G'OYIBNAZAROVA, Anvar QULMURODOV (Bosh muharrirning birinchi o'rinborsari).

Mehridin SHUKUROV (Mas'ul kotib — «Ishonch»), Valentina MARSEN'YAK (Mas'ul kotib — «Ishonch-Doverie»)

Bosh muharrir Husan ERMATOV

Bo'limlar: Kasaba uyushmalari hayoti — (71) 256-64-69 Huquq va xalqaro hayot — (71) 256-52-89 Milliy-ma'naviy qadriyatlar va sport — (71) 256-82-79 Xatlar va muxbirlar bilan ishlash — (71) 256-85-43 Marketing va obuna — (71) 256-87-73

Hududlardagi muxbirlar: Qoraqalpog'iston Respublikasi — (+998-97) 506-86-98 Andijon viloyati — (+998-99) 889-90-23 Buxoro viloyati — (+998-91) 406-43-24 Jizzax viloyati — (+998-99) 889-90-34 Namangon viloyati — (+998-99) 889-98-02 Navoiy viloyati — (+998-99) 889-90-28 Samarqand viloyati — (+998-99) 889-90-26 Sirdaryo viloyati — (+998-99) 889-98-55 Surxondaryo viloyati — (+998-99) 889-90-32 Farg'onaviy viloyati — (+998-99) 889-90-24 Xorazm viloyati — (+998-99) 889-98-01 Qashqadaryo viloyati — (+998-99) 889-90-27

«Ishonch»dan olingan ma'lumotlarda manba sifatida gazeta nomi ko'rsatilishi shart. Muallif fikri tahririyat nuqtai nazaridan farqlanishi mumkin.

Navbatcheshi muharrir: Z. Rixsiyev

Musahhhilar: D. Xudoyberganova, D. Ravshanova

Sahifalovchi: H. Abdujalilov

Bosishga topshirish vaqti — 20:50 Topshirildi — 21:00

Bahosi kelishilgan narxda

Manzilimiz: 100165, Toshkent shahri, Buxoro ko'chasi, 24-uy. E-mail: ishonch1991@yandex.uz

Tahririyat hisobraqami: 2021 0000 0004 3052 7001, ATIB «Ispetka bank» Yashnobod filiali, bank kodi: 00959, STIR: 201133889, OKED: 58130

Gazeta haftaning seshanba, payshanba va shanba kunlari chiqadi. Gazeta «Ishonch»ning kompyuter markazida teriladi va sahifalandi.

Gazeta ofset usulida, A-2 formatida bosildi. Hajmi 2 bosma taqob. Buyurtma 98 Nashr ko'rsatkichi: 133

Umumiy adadi 31576 16824 nusxasi «Erudit» MCHJ bosmaxonasida chop etildi.

Korxonada manzili: Samarqand shahri, Spitamen ko'chasi, 270-uy.

САН — СОЛОР, МАН — СОЛОР, ОТГА ЧЎПНИ КИМ СОЛАР?..

Шотурсун Шомансудов ва Шуҳрат Шораҳмедов қаламига мансуб «Маънолар маъзани» китобида қайд этилишича, бу нақлнинг келиб чиқиши хонлар замонида тааллуқли қуйидаги ҳикоя билан боғлиқ.



ТУЯ БЎЙИГА ИШОНИБ, ЙИЛДАН КУРУҚ ҚОЛИБДИ

Бу мақолнинг пайдо бўлиши Осие халқлари қадим-қадимдан сиққон, сигир, йўлбарс, қуён, балиқ, илон, от, кўй, маймун, товуқ, ит, тўнғиз каби ҳайвонлар номи билан юритиб келган ва ҳар ўн икки йилда бир бор тасвирланадиган Мучал йилга дахлдор афсоналардан бирига бориб тақалади.

Эмишқи, одамлар ўн икки йилни бир мучал деб атаб, ҳар бирига ҳайвонлар номини қўймоқчи бўлишибди. Сўнгра барча ҳайвонларни дарё бўйига ҳайдаб келишга, қайси бири энг аввал кўринса, мучалнинг дастлабки йиллини унинг номи билан аташга қарор қилишибди. Шунда туя бўйининг баландлигини назарда тутиб, катта кетибди. «Биринчи йилга албатта менинг номим берилади», дея

ғурур билан йўлга отланибди. Сиққон бундоқ қараса, аҳволи чатоқ, бошқа ҳайвонларнинг оёғи остиде қолиб кетиши тайин. У чаққонлик ила бир сакраб, туянинг устига чиқибди. Сўнгра унинг кулоғи учига ўтириб олибди. Шу боис ҳайвонлар айтилган жойга яқинлашганларида одамларнинг кўзига биринчи бўлиб сиққон кўришибди. Шартга мувофиқ, мучалнинг биринчи йили унинг номи билан аталибди. Гавдасининг катталлигига ишониб, ўзига ортиқча баҳо берган туя эса йилдан куруқ қолибди.

Ҳаётда ҳам кўпинча шунча бўлади. Бойлигига, кучига, савлатига, амал-мансабига таяниб, «Фалон нарса менга тегмай, кимга тегарди?», «Фалон жойга мен айтилмай, ким айтиларди?» деб кеккайиб юрганлар аксинча ҳолатга дуч келиб, кўпинча изза тортиб қоладилар...

Нега шундай деймиз?



Абдунаби ҲАЙДАРОВ тайёрлади.

Маданият, спорт ва туризм ходимлари касабга уюшмаси Республика кенгаши жамоаси Ўзбекистон Республикаси Олий Мажлиси Сенатининг Ёшлар, маданият ва спорт қўмитаси раиси

Бахтиёр САЙФУЛЛАЕВ

вафот этгани муносабати билан марҳумнинг оила аъзолари ва яқинларига таъзия изҳор этади.

Металлургия ва машинасозлик саноати тармоқлари ходимлари касабга уюшмаси Республика кенгаши жамоаси Фарғона вилоятидаги «UzSungwoo» масъулияти чекланган жамияти қўшма корхонаси касабга уюшма қўмитаси раиси Манзура Қосимовага волида муҳтарамаси

Маликаҳон МАМАЖОНОВА

вафот этгани муносабати билан ҳамдардик билдиради.